

薩真人

乙丑年五月降

薩真人曰欲修出世法先悟自然身天地皆空洞回陽一點春
息息唯龜守英英起龍伸內想既不存外觸從何撻勸君莫馳
逐馳逐內丹傾丹傾氣已逐關元已杜門勸君莫近色近色抽
命精三田氣不交三彭由此興勸君莫饕嗜饕食穢心神絳真
既離宮謁帝熟飛靈勸君無縱酒縱酒傷胃神六腑既反覆曷
由整金身勸君慎多言多言耗九精息殘元日滅台星不照臨
溺世人易溺汨喪沈寸真天堂既無路地獄自尋門几前諸第
子靈根頗未淪障重染又深膠迷七寶城微微真胞系惟藉道
道藏輯要

玉詮

士

鬼集五

培成身累不可盡貴賤等浮雲意累不可盡斬識方超羣孤雲
原自在野鶴任縱橫子來本空空子去將何存以空還太空空
空憑子行

來時本是一空空智識生時空絕踪能把空空還太極遊行三
界送香風

既失真空實理尋一輪寶月護珠心霎時月隱珠光暗四大虛
無何處春

人生在世歸路要自去尋紅塵相聚不過浮寓然子不要看得
浮寓虛立丹成鼎全在此浮寓落劫墮塹亦在此浮寓斷無不
升不沈放汝爲遊閒之鬼也